

April luna di Rode Kruis

ORANJESTAD (AAN) Station Manager di American Airlines Sr. Oslin Toppenberg a duna di conoce cu luna di April lo bira e luna di Rode Kruis Aruba. Un accion grandi lo ser tene na Aruba pa recauda 150 mil florin pa yuda Rode Kruis cu ta den un situacion deplorable.

Sr. Toppenberg hunto cu Ineke Lampe di American Airlines y Capitein Orlando Quandt di Rode Kruis Aruba a presenta e

programa di accion aki ayera mainta na comunidad Arubano.

Un plan cu 40 empleadonan di A.A. a dicidi algun dia pasa y Diahuebs ultimo a ser presenta na Capitein Quandt pa yuda e instituto aki cu semper ta yuda y masha poco ta ser yuda.

Rode Kruis Aruba ta un instancia cu ta yuda tur hende aki na Aruba, grandi, chiquito, rico, pover, color, religion, simplemente nan tey pa yuda.

Roberto Pablo Director nobo di registro civil y censo



ORANJESTAD (AAN) - Despues di a fungi como director interino di e Oficina di Registro Civil y Censo durante mas di dos aña, sr. Roberto Pablo a wordo nombra recientemente como Director di e oficina aki.

Señor Pablo ta un graduado di MULO A-B y Havo y ta studian- do pa e certificado "Middle Management I.S.W.".

E carera di sr. Pablo a cuminsa dia 1er di Augustus 1969 na Eilandsontvanger. Na September 1975 el a bay Hulanda cu un "studieopdracht" pa sigui e estudio Gemeente-Administratie I, cu el a completa cu exito na Mei di 1979 na e Bestuurschool Gelderland na Arnhem. E mes aña sr. Pablo a cuminsa cu e estudio di "Bevolkingsboekhouding, Burgerlijke Stand y Nationaliteitsrecht, cual el a termina tambe cu exito na Mei 1981. Durante su estudionan sr. Pablo a haci su pasantia na tur e departamentonan di e municipalidad di Zevenaar. Despues di un periodo di pasantia na Rijksinspectie der Bevolkingsregister na Den Haag, Sr. Pablo a regresa pa Aruba na 1981, unda na September di e aña ey el a wordo trasladado pa e Oficina di Registro Civil y Censo den rango di Commies. Dia 1er di October 1985 Sr. Pablo a wordo ascendido pa

Commies I y dia 1er di October 1987 sr. Pablo a haya su nombramento como Hoofdcmmies. Desde dia 1er di October 1987 Sr. Pablo ta encarga cu e funcion di hefe interino di dicho departamento.

Sr. Pablo ta miembro di e comision "Automatisacion di Bevolking", cual comision tin como meta, automatiza e oficina aki pa asina e bira mas eficiente y duna mihor servicio na publico. Tambe sr. Pablo ta miembro di e comision pa revisa e decreto di "Besluit Bevolkingsboekhouding" cu ta anticua y mester wordo moderniza. Un otro area di interes di Sr. Pablo ta e "Dienstpluchtraad", cu ta un organo cu ta asesora gobierno encunto servicio militar obligatorio y di cual e ta secretario. Tambe e ta presidente di e Consejo Supremo Electoral, cu ta e organo cu ta prepara y supervisa e eleccionnan na Aruba.

Segun sr. Pablo e sistema nobo di automatizacion lo haci e oficina aki mas eficiente. Dentro di poco algun empleado di e departamento aki lo bay Hulanda unda nan lo sigui cursonan di automatizacion. Tambe ta e intencion di organiza un "workshop" pa tur empleadonan cera conoci cu e sistema nobo di administracion automatiza cu pronto lo wordo introduci.



Un peticion sincero Sr. Toppenberg a haci na pueblo pa yuda Rode Kruis recauda fondo necesario cu ta den un situacion financiero hopi deplorable manera; oficina, medicina, equiponan cu mester pa por yuda pueblo di Aruba.

A.A. su empleadonan conftun- tamente cu Rode Kruis a dicidi di bin cu plan di accion pa recauda 150 mil florin e luna venidero cual luna lo ser yama luna di Rode Kruis Aruba. Staff y Personal di A.A. kier pa tur hende di Aruba y pa nan ta

conciente kico ta Rode Kruis y pakico e ta existi y su direccion, motivacion y su ideanan.

Un peticion sincero na com- unidad pa yuda Rode Kruis. Gerencia y trahadornan di A.A. lo saca 1500 flanel gedruk cu e lema "Rode Kruis Ta Bo Yuda Mi" e flanel lo ser bendi cu tur esnan cu por compra y contrubui pa compra uno. Na school cada klas lo haya un flanel y e muchanan lo contribui y cada mucha lo contribui cu 3 florin y e maestro (a) lo contribui cu e

restante y nan tin 30 dia pa recauda e placa. Alavez personal di A.A. lo pone potnan den tur tienda, pacus, oficina di Docter, hotel pa asina pueblo por deposita loque nan por pa yuda compra un flanel. Alavez trahadornan di American Airlines y miembronan di Rode Kruis lo pasa den comercio pa bende e flanelnan. Tur hende por contribui pa compra un flanel.

A yega tempo cu mester yuda Rode Kruis si mira con hopi nan ta yuda comunidad.

SEGUNDO CARGACION

E BARCO A DRENTA!

POMPEY

CHILDREN'S & TEENERS
BOUTIQUE.

Paña NOBO, NOBO marca:

BUSTER BROWN

y

KABOOM!

Pa nos Teeners y muchanan den style!

STRADA COMPLEX II Horario: 9 AM - 6 PM